



[www.ysgolbotwnnog.org](http://www.ysgolbotwnnog.org)



YN Y BWLETIN  
TYMOR YMA

- ✓ DYDDIADAU PWYSIG
- ✓ BLWYDDYN 11- ARHOLIADAU...
- ✓ CEFNOGI EICH PLENTYN
- ✓ PRESENOLDEB
- ✓ TREFNIADAU TYWYDD GARW
- ... A MWY

NEGES GAN Y PRIFATHRO

## Blwyddyn Newydd Dda

Dyma ni ar ddechrau blwyddyn newydd arall - mae hi'n siŵr o fod yn flwyddyn llawn prysurdeb eto eleni. Gawn ni obeithio y byddwn yn gallu dychwelyd i drefn mor arferol â phosibl eleni.

Dymunaf flwyddyn newydd dda a llwyddiannus i bob un ohonoch.

Cofion,

Dylan Minnice (Prifathro)

Mae'r bwletin yma ar gael ar wefan yr ysgol -

<http://ysgolbotwnnog.org/newyddion.html>

## CYSYLLTU Â'R YSGOL

Os ydych am gysylltu â ni yna gallwch wneud mewn sawl ffordd:

☎ 01758 730220

✉ [pennaeth@botwnnog.ysgoliongwynedd.cymru](mailto:pennaeth@botwnnog.ysgoliongwynedd.cymru)

neu gan ddefnyddio'r ffurflen ar lein ar ein gwefan 🖨 [www.ysgolbotwnnog.org/cysylltu.php](http://www.ysgolbotwnnog.org/cysylltu.php)

## DYDDIADAU GWYLIAU YSGOL

Dyddiadau gwyliau hanner tymor ydi **Chwefror 19<sup>eg</sup>—27<sup>ain</sup>**.

Dyddiadau gwyliau'r Pasg ydi **Ebrill 9<sup>fed</sup> - Ebrill 24<sup>ain</sup>**.

Gŵyl y Banc Calan Mai ar **DDYDD LLUN, Mai'r 2<sup>il</sup>**.

## CYFARFODYDD RHINI AC ATHRAWON

Oherwydd y sefyllfa bresennol nid yw'n ymarferol i drefnu cyfarfodydd rhieni traddodiadol lle rydych yn gallu dod i'r ysgol i siarad wyneb-i-wyneb gyda'r athrawon.

Rydym eisoes wedi arbrofi gyda meddalwedd SchoolCloud i gynnal cyfarfodydd rhieni ar lein ar gyfer blynyddoedd 7 ac 11 yn ystod y tymor diwethaf. Mae'r system yma yn caniatáu i rieni archebu apwyntiad gydag athrawon ac yna yn gallu eu cyfarfod ar lein ar adeg benodol (dull tebyg i Zoom).

Cafwyd aborth cadarnhaol iawn i'r rhain. Felly, byddwn yn trefnu cyfarfodydd rhieni ar lein ar gyfer y blynyddoedd eraill gan gynnwys cyfarfod ychwanegol i drafod cynnydd blwyddyn 11 wrth iddynt agosau at yr arholiadau.

## ADRODDIAD INTERIM

Dylech fod wedi derbyn adroddiad interim diwedd y tymor diwethaf ar e-bost ac ar bapur os oedd eich mab/merch yn bresennol.

Erbyn hyn, rydym wedi ymateb i bawb wnaeth sylw ar y ffurflen arlein oedd angen sgwrs bellach. Os nad ydych wedi clywed gennym ac yn dymuno sgwrs neu os nad ydych wedi derbyn yr adroddiad yna plis cysylltwch gyda'r swyddfa.

---

---

## BLWYDDYN 11

---

Mae dogfen ar wahân wedi ei gyrru i rieni blwyddyn 11 yn egluro'r sefyllfa bresennol o ran arholiadau'r haf a ffug arholiadau. Os nad ydych wedi cael copi yna holwch yn y swyddfa.

### ASESIADAU SWYDDOGOL ALLANOL

Bydd disgyblion Blwyddyn 11 yn cwblhau rhai asesiadau **ALLANOL** (sydd **YN** cyfrif tuag at eu graddau terfynol) ar sawl adeg yn ystod y ddau dymor.

Byddwn yn rhannu amserlenni ar gyfer arholiadau'r haf unwaith y cawn gadarnhad gan y byrddau arholi.

#### CHWEFROR - BLWYDDYN 11

Addysg Gorfforol (TGAU - ymarferol - asesiad terfynol) ..... Chwefror 9 / 11 / 16

Addysg Gorfforol (TGAU - safonwr allanol (i'w gadarnhau))..... Mawrth 15

#### MAWRTH/EBRILL - BLWYDDYN 11

Arholiad ymarferol TGAU Drama..... Dyddiad i'w gadarnhau

Arholiad Bwyd a Maeth Ymarferol ..... Mis Mawrth (dyddiad i'w gadarnhau)

Cymraeg - Llên (Uned 3—Llafar) ..... Ebrill 6 (Sylfaenol) /7 (Uwch)

Ffrangeg—llafar (i'w gadarnhau yn derfynol) ..... Ebrill (dyddiadau i'w cadarnhau)

### ASESIADAU DAN REOLAETH (GWAITH CWRS)

Mae Asesiadau dan Reolaeth (*gwaith cwrs gynt*) yn bwysig yn y rhan fwyaf o bynciau. Maent yn cyfrif rhwng 20% a 60% o'r marc terfynol ym mron bob pwnc TGAU. Bydd angen sicrhau fod y rhain i gyd yn cael eu cwblhau i'r safon uchaf posibl i anelu am y graddau uchaf yn y TGAU. Cynhelir rhain drwy gydol blynyddoedd 10 ac 11 mewn amryw o bynciau—o'r wers gyntaf ym mlwyddyn 10 tan mis Mai blwyddyn 11. Mae'r rhan fwyaf o'r rhain yn gorfod cael eu cwblhau o fewn hyn a hyn o oriau mewn gwersi dan oruchwyliaeth athro - mae presenoldeb yn y gwersi hyn yn hanfodol, ac os ydy eich mab/merch yn absennol o'r gwersi yna bydd rhaid iddynt ddal i fyny amser cinio neu ar ôl ysgol.

### CLWB GWAITH CARTREF

Pob nos Lun a Mercher o 3.30 - 5.00 mae cyfle i ddisgyblion aros yn yr ysgol i gwblhau neu i ddal i fyny gyda gwaith. Bydd aelod o staff yno i'w cynorthwyo os ydynt angen.

Gellir trefnu i'ch mab/merch aros yn y Clwb Gwaith Cartref trwy gysylltu â'r ysgol.

---

---

## BLWYDDYN 11 - Y FLWYDDYN NESAF...

---

Bydd prospectws Coleg Meirion-Dwyfor/Menai yn cael ei rannu gyda disgyblion Blwyddyn 11 yn fuan. Bydd cynrychiolydd o'r Coleg yn ymweld â'r Ysgol i drafod gwneud cais ar-lein gyda'r disgyblion a byddant hefyd yn bresennol yn y noson rieni mis Mawrth. Mae gwybodaeth am gyrсия a sut i wneud cais ar wefan y coleg. Bydd hefyd cyfle i wneud ceisiadau am brentisiaethau.

Yn y cyfamser, os nad ydynt yn siŵr beth yw eu hopsiynau ar ôl gadael ysgol, gallant ofyn am apwyntiad i drafod posibilïadau'r flwyddyn nesaf gyda **Mrs Nia Parry - Ymgynghorydd Gyrfa Cymru'r Ysgol**. Bydd Mrs Parry hefyd yn bresennol yn y cyfarfod rhieni mis Mawrth.

Byddwch yn cael gwybodaeth am ddigwyddiadau agored yng Ngholegau Meirion-Dwyfor a Menai yn uniongyrchol gan y colegau. Mae gwybodaeth am y rhain yn y prospectws a hefyd ar eu gwefan:

[www.gllm.ac.uk](http://www.gllm.ac.uk)

---

---

## BLWYDDYN 10 - ARHOLIADAU ALLANOL

---

Mae hi'n fwriad sefyll rhai arholiadau allanol TGAU swyddogol yr haf yma. Rydym yn parhau i ddisgwyl am wybodaeth pellach gan y Llywodraeth am drefniadau arholiadau'r haf. Byddwn yn siŵr o gysylltu gyda chi unwaith y cawn wybodaeth bellach.

## CEFNOGAETH I'CH MAB / MERCH

Yn Ysgol Botwnnog 'rydym yn ymdrechu i roi'r gofal gorau i bob disgybl, ac os yw eich mab / merch yn cael amser anodd neu yn cael trafferthion gyda'u gwaith neu broblemau lles, yna mae gennym nifer o arbenigwyr a all eu helpu:

Mr Aled Williams .....Dirprwy Brifathro / Lles  
 Mrs Alaw Jones Japheth ..... Lles y Merched  
 Mr Eurig Davies a Miss Ffion Jones ..... Cyd-gysylltwyr Anghenion Dysgu Ychwanegol  
 Mrs Carol Pilling a Mrs Susan Jones .....Anogwyr Dysgu / Mentoriaid  
 Ms Bethan Jones ..... Nyrs Ysgol  
 Ms Deneise Jones ..... Cwnselydd  
 Mrs Carys Hughes ..... Swyddog Lles Addysg yr Awdurdod


Os hoffech i ni gyfeirio eich mab / merch at un o'r uchod yna cysylltwch â Mr Aled Williams, y Dirprwy Brifathro.

## CEFNOGI EICH PLENTYN GYDA GWAITH YSGOL

- Dangoswch ddi-ddordeb yng ngwaith ysgol eich plentyn a rhowch gefnogaeth yn ôl beth mae o / hi ei angen. Cofiwch fod presenoldeb da yn hanfodol - peidiwch â threfnu gwyliau yn ystod y tymor ysgol.
- Trafodwch beth sydd wedi bod yn mynd ymlaen bob dydd a sut medrwch chi fod o gymorth.
- Edrychwch ar lyfrau eich plentyn i ddod i ddeall pa waith sydd yn cael ei wneud. Helpwch efo'r dysgu trwy holi a chwestiynu am y gwaith.
- Holwch am waith/gwaith cartref eich plentyn a gosod rheolau ynglŷn â'i gwblhau.
- Siaradwch am ddisgwyliadau gyda'ch plentyn, beth mae'n obeithio'i gael fel graddau, a lle hoffai barhau â'i addysg/hyfforddiant. Anogwch eich plentyn i wneud ei orau ac anelu yn uchel.
- Sicrhewch fod eich plentyn gyda lle tawel i wneud gwaith ysgol. Ceisiwch sicrhau nad yw unrhyw beth fel ffôn/cyfrifiadur/teledu yn tarfu ar eich plentyn wrth wneud gwaith ysgol.
- Helpwch eich plentyn i drefnu'r gwaith gan roi digon o amser i baratoi at brofion ac arholiadau.
- Dewch i ddeall pwysigrwydd asesiadau dan reolaeth ac arholiadau i strwythur y cyrsiau TGAU. Gwnewch yn saff eich bod yn gwybod pa bryd mae profion, asesiadau ac arholiadau pwysig. Byddwn yn eich hysbysu drwy'r bwletin yma a thrwy e-byst.
- Dewch i gyfarfodydd rhieni i drafod gwaith eich plentyn gyda'r athrawon.
- Os nad ydych yn sicr am unrhyw beth, neu angen cyngor cysylltwch â'r ysgol i siarad efo Mr Dylan Minnice neu Mr Aled Williams.

## DYDDLYFR DISGYBL - BL 7, 8 A 9

Mae disgyblion blynyddoedd 7, 8 a 9 wedi derbyn Dyddlyfr Disgybl er mwyn cofnodi gwaith cartref ac unrhyw ddyddiadau eraill pwysig. Gofynnwch i gael gweld y Dyddlyfr os hoffech gadw golwg ar waith cartref eich plentyn.



**YSGOL  
BOTWNNOG**  
Dyddlyfr Disgybl  
Student Diary

Tymor/Term 2  
2021 - 2022

Enw	
Name	
Dosbarth Cofrestru	
Registration Class	

Ionawr / January / Janvier		W 2																																																																																																																																																																																																																																																																																																																			
<table border="1" style="width: 100%; border-collapse: collapse;"> <tr> <th colspan="2" style="text-align: left;">17 Dydd Llun : Monday : Lundi</th> <th style="text-align: right;">Enw / Nw</th> <th style="text-align: right;">Tylw / Comment</th> </tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> </table> <table border="1" style="width: 100%; border-collapse: collapse;"> <tr> <th colspan="2" style="text-align: left;">18 Dydd Mawrth : Tuesday : Mardi</th> <th style="text-align: right;">Enw / Nw</th> <th style="text-align: right;">Tylw / Comment</th> </tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> </table> <table border="1" style="width: 100%; border-collapse: collapse;"> <tr> <th colspan="2" style="text-align: left;">19 Dydd Mercher : Wednesday : Mercredi</th> <th style="text-align: right;">Enw / Nw</th> <th style="text-align: right;">Tylw / Comment</th> </tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> </table>	17 Dydd Llun : Monday : Lundi		Enw / Nw	Tylw / Comment																																									18 Dydd Mawrth : Tuesday : Mardi		Enw / Nw	Tylw / Comment																																									19 Dydd Mercher : Wednesday : Mercredi		Enw / Nw	Tylw / Comment																																									<table border="1" style="width: 100%; border-collapse: collapse;"> <tr> <th colspan="2" style="text-align: left;">20 Dydd Iau : Thursday : Jeudi</th> <th style="text-align: right;">Enw / Nw</th> <th style="text-align: right;">Tylw / Comment</th> </tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> </table> <table border="1" style="width: 100%; border-collapse: collapse;"> <tr> <th colspan="2" style="text-align: left;">21 Dydd Gwener : Friday : Vendredi</th> <th style="text-align: right;">Enw / Nw</th> <th style="text-align: right;">Tylw / Comment</th> </tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> </table> <table border="1" style="width: 100%; border-collapse: collapse;"> <tr> <th colspan="2" style="text-align: left;">22 Dydd Sadwrn : Saturday : Samedi</th> <th style="text-align: right;">Enw / Nw</th> <th style="text-align: right;">Tylw / Comment</th> </tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> </table> <table border="1" style="width: 100%; border-collapse: collapse;"> <tr> <th colspan="2" style="text-align: left;">23 Dydd Sul : Sunday : Dimanche</th> <th style="text-align: right;">Enw / Nw</th> <th style="text-align: right;">Tylw / Comment</th> </tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> <tr><td> </td><td> </td><td> </td><td> </td></tr> </table>	20 Dydd Iau : Thursday : Jeudi		Enw / Nw	Tylw / Comment																																									21 Dydd Gwener : Friday : Vendredi		Enw / Nw	Tylw / Comment																																									22 Dydd Sadwrn : Saturday : Samedi		Enw / Nw	Tylw / Comment																																									23 Dydd Sul : Sunday : Dimanche		Enw / Nw	Tylw / Comment																																								
17 Dydd Llun : Monday : Lundi		Enw / Nw	Tylw / Comment																																																																																																																																																																																																																																																																																																																		
18 Dydd Mawrth : Tuesday : Mardi		Enw / Nw	Tylw / Comment																																																																																																																																																																																																																																																																																																																		
19 Dydd Mercher : Wednesday : Mercredi		Enw / Nw	Tylw / Comment																																																																																																																																																																																																																																																																																																																		
20 Dydd Iau : Thursday : Jeudi		Enw / Nw	Tylw / Comment																																																																																																																																																																																																																																																																																																																		
21 Dydd Gwener : Friday : Vendredi		Enw / Nw	Tylw / Comment																																																																																																																																																																																																																																																																																																																		
22 Dydd Sadwrn : Saturday : Samedi		Enw / Nw	Tylw / Comment																																																																																																																																																																																																																																																																																																																		
23 Dydd Sul : Sunday : Dimanche		Enw / Nw	Tylw / Comment																																																																																																																																																																																																																																																																																																																		
Sylwadau / Comments																																																																																																																																																																																																																																																																																																																					

## PRESENOLDEB

Mae presenoldeb da yn parhau yn flaenoriaeth yn yr Ysgol. Er gwaetha'r sefyllfa mae presenoldeb y mwyafrif o'n disgyblion ni'n parhau i fod yn dda iawn.

### PRYD DDYLWN GADW FY MHLENTYN ADREF OHERWYDD COVID-19?

Yr arweiniad diweddaraf gan yr awdurdodau ydi, dylech gadw eich plentyn adref o'r ysgol:

- os ydynt yn arddangos symptomau COVID-19 - peswch, gwres uchel, newid yn synnwyr blasu/arogli. Dylid hefyd trefnu prawf PCR (nid LFT) drwy ffonio 119 neu ar wefan Llywodraeth Cymru.
- os ydynt wedi derbyn prawf LFT positif.
- os ydynt wedi derbyn prawf PCR positif - dylid dilyn cyfarwyddiadau y gwasanaeth Profi, Orlhain a Diogelu ar ynysu.
- os ydi'r gwasanaeth Profi, Orlhain a Diogelu wedi eich hysbysu i wneud.

Mae manylion pellach wedi eu gyrru i chi ddechrau'r tymor. Os nad ydych yn siŵr yna siaradwch gyda'r gwasanaeth Profi, Orlhain a Diogelu neu cysylltwch â'r ysgol.

### CAIS AM WYLIAU TEULU YN YSTOD Y TYMOR

Mae cyfarwyddiadau gan y Llywodraeth drwy'r Cyngor Sir ynglŷn â chyfrifoldeb yr ysgol wrth awdurdodi gwyliau yn ystod y tymor ym mholisi Presenoldeb y Llywodraethwyr. Er mwyn i ni allu awdurdodi unrhyw wyliau yn ystod y tymor ysgol mae'n rhaid i rieni wneud **cais ysgrifenedig drwy lythyr/e-bost i'r ysgol cyn mynd ar wyliau.**

Mae gan Corff Llywodraethu'r Ysgol ddisgresiwn sydd wedi ei ddirprwyo ganddynt i'r Tîm Rheoli i awdurdodi gwyliau ai peidio. Bydd hyn yn dibynnu ar hyd y gwyliau ac unrhyw wyliau blaenorol, cyfradd presenoldeb cyfredol y disgybl, yr adeg o'r flwyddyn ac effaith ar ddilyniant addysgol y disgybl, os yw'n tarfu ar asesiadau / arholiadau. Ni fyddwn yn awdurdodi mwy na 5 diwrnod o wyliau mewn unrhyw flwyddyn ysgol i ddisgyblion blynyddoedd 7 - 9.

Os na fyddwn yn gallu awdurdodi gwyliau o flaen llaw bydd yn ymddangos fel absenoldeb anawdurdodedig ar record y disgybl.

**NI CHAWN AWDURDODI ABSENOLDEB GWYLIAU YN YSTOD Y TYMOR I DDISGYBLION BLYNYDDOEDD 10 AC 11 GAN EI FOD YN ANORFOD AM GAEL EFFAITH AR GYNNYDD EICH MAB/MERCH, ONI BAI BOD YNA AMGYLCHIADAU EITHRIADOL IAWN.**

### ABSENOLDEB - TREFN CYSYLLTU

Er mwyn sicrhau fod pawb sydd i fod yn yr ysgol yn bresennol gofynnwn i chi gysylltu â'r ysgol ar fore unrhyw absenoldeb fel ein bod yn gwybod os yw eich mab/merch i fod yma ai peidio.

Gofynnwn i chi adael i ni wybod os yw eich mab / merch yn absennol drwy ffonio 01758 730220 rhwng 8:15 a 9:15.

Os na fydd yr ysgol wedi derbyn galwad ffôn erbyn 9:15 o'r gloch yn dweud wrthym pam nad yw eich plentyn yn yr ysgol, yna byddwn yn cysylltu gyda'r cartref neu'r man gwaith.

### TYWYDD GARW A CHAU'R YSGOL

Os cyfyd sefyllfa pan fo rhaid cau'r ysgol oherwydd rhesymau tu allan i'n rheolaeth - tywydd, dim trydan neu ddŵr, ac yn y blaen; byddwn yn ceisio gyrru neges destun i'r cartref i'ch hysbysu. Gallwn yrru neges i bob cartref o fewn munudau i'ch hysbysu - cyn belled fod gennym rif ffôn symudol a chyfeiriad e-bost dilys.

Byddwn hefyd yn rhoi cyhoeddiad ar Radio Cymru rhwng 7:00 ac 8:00 y bore ac ar wefan y Cyngor - [www.gwynedd.gov.uk](http://www.gwynedd.gov.uk)

Os oes rhaid cau'r ysgol yn ystod y dydd a bod angen anfon y plant gartref oherwydd ystyriaethau iechyd a diogelwch byddwn yn dilyn y gweithdrefnau hyn:

- bydd y disgyblion yn mynd adref ar y bws (os mai felly maent yn dod i'r ysgol),
- dylent fynd i'w cartrefi neu i dŷ perthynas neu ffrind (yn ôl eich cyfarwyddyd chi fel rhieni).